

ճելի շրջան է եղել Մարաստանի (Ատրպատահան), Ասորեստանի (Ատիարէն) եւ Հայաստանի միջեւ:

Համաձայն արաբ Yakut-ի (13-րդ դար) բառարանի՝ «Անձեւացիքը գտնուում է Հայաստանի լեռների, Խլաթի, Ատրպատահանի, Դիարբեքիի եւ Մուսուլի միջեւ: Բնակիչները հայեր են, բայց այնտեղ կան քրդական ցեղեր են»:

Ըստ այդմ՝ Անձեւացիքը չէ սահմանափակուել սկզբնական, համանուն գաւառով, այլ պարփակել է աւելի ընդարձակ մի շրջան, աւելի շուտ՝ մի նահանգ: Յամենայն դէպս պարզ է, որ Անձեւացիքը հնումը քրդերի բնավայր եղած է, թէեւ ցեղանունները ժամանակի ընթացքում փոփոխուել են, մանաւանդ 10-րդ դ. սկսած:

Հայ մատենագիրներին, մինչեւ Թոմա Մեծոփեցին (14-րդ դ.), առհասարակ ծանօթ չէ քրդերի գոյութիւնը Հայաստանում. մինչեւ իսկ դուր է քուրդ անունն անգամ որոնել հայոց մօտ՝ մինչեւ Մատթէոս Ուռհայեցի (12 դ.):

Մատթէոս, Սամուէլ Անեցի, Վարդան, Կիրակոս Գանձակեցի պատմագիրները մէկական անգամ յիշատակում են քրդերին, բայց այն էլ՝ որպէս այնպիսի ցեղերի կամ նրանց պատկանող անհատների անուններ, որոնք Հայաստանից դուրս են ապրել եւ կամ այդ ժամանակներից են ներս թափանցել Հայաստան:

Մինչեւ մահմեդական տիրապետութեան մուտքը Հայաստան՝ քրդական եւ առհասարակ իրանական հետքերը հաղուաղէպ են այդտեղ: Մահմեդականութեան հետ զուգընթաց միայն, որ այնչա՛փ նպաստաւոր կերպով խրախուսում է վաչկատունները եւ նրանց գաղանարարոյ բնագրները, դրութիւնը փոխուեց: Այդ ժամանակից էլ սկսում է քրդական պատուհասը:

Յամենայն դէպս, հայ ցեղի տարածման հարաւային սահմանը հնումը, մեր ունեցած տեղեկութիւնների վրայ յենուելով, հնարաւոր է ճշդութեամբ որոշել: Այն է՝ երբ Քաննոֆոնի առաջնորդութեամբ 10,000 յոյն վարձկան զինուորներ Կարդուխների (Karduchen) լեռնաշխարհի (Բոհտան) Mutyt գիւղից մօտ երկու քիլօմետր վեր, այսինքն՝ Բա-

դէշոյ ջրի եւ Բոհտան-սուի գետախառնուրդի ու Till գիւղի մէջ տեղում (որի մօտ վերջին գետը Տիգրիսի մէջ է թափուում) տեղացիներին ստիպեցին զիրենք անցկացնել Kentrites գետը, որ է՝ Բոհտան-սուի, ահա այդտեղ էլ նրանք Հայաստան մտան:

Այս նշանակում է, ուրեմն, որ Kentrites-ը հայ եւ Կարդուի երկիրների սահմանը կազմող գետն էր:

Այդ գետանունը յետագային այլեւս երբեք չէ յիշատակուում:

Մարքլարտ համարում է այդ անունը տեղական-խօսակցական, որ ստուգարանօրէն բացատրուում է հայերէն կտրել, կտրիչ բառով. այսինքն՝ այդ գետը կտրում-բաժանում է հարեան երկու երկիրները:

Մարքլարտ եզրակացնում է, որ այդ անունը մեզ ծանօթ հայերէն հնագոյն բառն է: Գետը յետագային փոչուել է Զերմ (Բիւղանդ, Zirmas, արաբ. Zarma, Zarb):

Կարդուխները հաւանօրէն խաղերիմ ցեղակից ժողովուրդ էին — թէ՛ լեզուով եւ թէ՛ սովորութիւններով: Երբ Տիգրան Մեծը վերացրեց նրանց թագաւորութիւնը, այնուհետեւ էլ շարունակեցին պահել իրենց ինքնուրոյնութիւնը, թէեւ մերթ հայերի եւ մերթ պարթեւների, պարսիկների եւ կամ հռոմայեցիների գերիշխանութեան տակ ընկան: Ե. դարում նրանք հայերի, վրացիների, աղուանների, զրդիների (Դաղստանում) եւ աղձնեաց հետ միասին յիշատակուում են որպէս մի առանձին քրիստոնեայ ժողովուրդ:

Կարդուխները հաւանօրէն է. դարու կէսերին են քրդացել:

Այդ է ցոյց տալիս եւ Կորնէֆ նահանգանունը՝ Անանիա Շիրակացու մօտ:

Յամենայն դէպս, 9-րդ դարու սկզբին նրանց աշխարհը քրդական կենտրոն էր:

* * *

Իր աշխատութեան մէջ Մարքլարտ շօշափում է նաեւ հայերի եւ ուտեաց ու աղուանից յարակցութեան խնդիրը:

Դեռ Ալեքսանդր Մեծից առաջ, ասում է Մարքլարտ, հայկական գաղութներ կային Ուտիքում, որ համապատասխանում է յետագայի Փայտակարան նահանգին՝ Երասխ գետի ստորին հովտում: Ուտիացիք պէտք է որ աղ-